

船山詩草補遺

船山詩草補遺卷三

遂甯 張問陶 仲治

上人橋道中

隴水將愁遠春流百道分雪明箕口樹風亂沓中雲
麥隴平無際漁榔靜不聞遙憐沙上雁歲晚重離羣

宿寶鷄

王氣銷沈霸業休無情清渭日東流惟餘一片青山
影曾照陳倉賣酒樓

樓雲零亂接鄉關人到中原夢自還陳寶祠南風景
別一杯爭忍送殘山

第五村

渺渺予懷不奈何
遠林明滅夕陽多
風沙第五村南路
獨忍春寒看佛螺

山名在岐

重過馬嵬

小殿玲瓏鎖夕曛
繚垣紅坼冷春墳
香魂莫怨陳龍武
一死居然抵六軍

兒女誰甘負好春
紅閨幾見可憐顰
三郎不合爲天子
苦被江山誤美人

漢獻帝陵

禪陵也 康熙十五年脩武合卜永昇始立碣表之

銅雀荒臺何處憑
山陽坏土尚堪徵
歌塵散後惟疑

篆螢火秋來識禪陵猶爲赤符題玉篆不堪碧血照
魚燈東都建武還祠祭嘆汝無才繼中興

趙州雨花菴

鐘魚半缺傍塵龕退院枯僧早罷參亭上賣茶人亦
散春衣重過雨花菴

夜行遇雪却憶

春衫香薄嫩寒生起問吳棉乍有情他日圍爐話遙
夜澹雲微雪過樂城

胡梁

迷離新綠點柔條晴日融融陌路遙一片柳枝風影

外胡梁春水石闌橋

懷人四絕

馬吉初

杏里夫子第五子不通音問者將十年矣

十載師門慨舊遊
尺書千里易沈浮
誰知九陌塵中客
揜指燈牕夢秀州

杜綵溪

時令武邑貌奇偉聞其新納小星故嘲之

雙鳧休擬令如仙
翠袖紅牙興正便
但使十年能踐約
不妨風貌遜樊川

彭田橋

奉母至孝近聞其病劇憂之

覓句耽禪病欲狂
春暉縈戀寸心長
傷人只有憂難

解慚負生平盛孝章

蔣隣湖

予同年也時已七十矣今春不試南宮而歸

諸孫才調已翩翩老博科名亦偶然
好是江南烟雨外等閒消遣杏花天

適秋林覓句小照

不識林間客詩情萬里同
都將松石意相賞畫圖中
紅葉江鄉冷黃沙冀野雄
幾時真聚首酬唱小橋東

贈相士喬君

四月初八日作次日發榜

中年落拓厭詞場
斷酒拋詩未減狂
已分多愁如杜老
還聞得謗似歐陽
按圖可解論心術
攬鏡終須看

眼光莫舉繁華諛傲骨世間榮辱海茫茫

贈葉中書雲素

繼雲

同年

狷介論交例不寬常因舊雨夢江干奇才絕世宜非
福好友重逢勝得官礪志甯愁今日晚忘形能到古
人難功名豈是榮華事莫向烟波詡挂冠

月夜與從弟受之卧談

問彤

欵段頻拋悔浪求襜褕未報祇離憂多愁我已如平
子自苦君尤異少游劍外雲山常入夢客中風景不
宜秋呼羣更憶南飛雁海國茫茫片影浮

亥自

暫往張家灣宿潞河舟中與補之夜話

出岫閒雲變態多
南船北馬儘消磨
故園縱有懷人夢
難料今宵在潞河

星河七月壓秋城
蓬背寒光白露晴
古岸陰蟲何太苦
一灣綠水自無聲

張家灣舟中作

河曲千帆疊沙寒一雁秋
年華真逝水夢影又扁舟
雲樹渾無際壺觴爲少留
萍踪鷗鷺識心折此重遊
左輔舟車集中流日夜忙
人烟何雜遝天影自空蒼
風好檣鳥俊愁多社酒強
竟思乘急櫓東泝海雲長

送椒畦赴廣東學使幕府

胸膈清虛貌亦殊。宛然癯鶴下蓬壺。我知叔達爲奇士，誰薦陽城作大夫。弱不勝衣真氣王，笑而欲語道心孤。床頭退筆如山積，曾寫朱門一刺無。

淡交真結古人緣。欲計重逢轉黯然。解纜雲山剛九日，渡江風雪定殘年。離情磊落三升酒，客意蒼茫萬里船。玉水璇源清到骨，如君方許酌貪泉。

冬日寄亥白兄嶺南

飄搖同是出山雲。南北迢迢歎失羣。僧飯禪茶天愛我，獐花犵鳥地憐君。風塵絕別詩歌富，童僕忘歸笑語紛。累殺草堂猿與鶴，馳烟分道勒移文。

雪中與澹雲閒話並柬滄湄

茶魚粥鼓暫時同
笠屐相尋一逕通
師喜八林逢九
白我難留爪歎孤鴻
三春花鳥回頭悟
萬劫人天過眼空
領取目前真實相
風旛影裏雪濛濛

題萬上遊畫竹

秋烟籠竹澹雲開
翠雨濛濛欲滿苔
石上月痕枝外影
絹頭疑有野光來

元夜月下作僧裝訪滄湄

儒衣不著著僧衣
今昔何曾有是非
覓我本來真面目
袈裟也化白雲飛

六街簫鼓夜紛紛
鉢帽輕籠萬里雲
燈月光中人不識
開門一喝便逢君

寄內子成都

一年小別暗魂銷
誰與薰衣侍早朝
今日將書慰鄉里
歸期先訂百花朝
辦裝錢盡強勾留
且檢紅箋報益州
莫恨人歸春已去
浣花猶及看遨頭

三鼓扣茶山門乞酒對飲達旦

聲徹重門勢欲攻
驚疑惱殺應門童
主人不襪投牀下
惡客無言指甕中
千歲也如春夢短
五更休放酒

空卽看一世真遊戲醒醉皆狂兩次公

琉璃河

車聲確犖風聲怒四面白沙吹作霧一日盤旋僕馬
愁漫漫雲海無朝暮忽指輕帆見綠波琉璃影碎不
成河江南好景垂楊外恨少吳孃一曲歌

涇陽驛道中見杏花懷稚存

雙鬟低唱去年詩小住郵亭醉不辭滿眼塵沙春欲
暮可憐紅杏兩三枝

車箱風噎愁無語土屋沙埋怒欲飛何地能消詩酒
與花時翻悔別春歸

雨中宿內邨南郭破屋頽垣危慘如獄同行
郭君頗有戒心出周易占之復得凶兆終
夜不敢就枕作七律一首調之

曲房蛛網太森沈鬼語如麻緝夜深半榻殘磚支破
壁一椽荒草落驚禽誰從陰雨窺天意轉覺著龜亂
客心撫枕忽生遺世想十洲從我夢中尋

邢臺月夜題壁

春雲如霧戀新晴淡月如烟不滿城獨擁黃稠聽夜
汲井欄清絕轆轤聲

三月十五日作詩詣武陵令王秋塍復乞酒

拈花偶現宰官身，苦爲裝詩損俸銀。
作吏原須推我輩，讀書爭忍負斯民。
曾聞把臂皆狂士，可許論交到古人。
一縣天桃春正好，請君投轄學陳遵。

嶠函道中遇雨回車宿張茅逆旅

拂拂行旌指敝廬，誰從歸路肯回車。
多情偏有間風雨，畱喫茅津渡口魚。

豆釜權衡盡掃除，暫驅傭保任相如。
歸裝却喜無詞賦，正好重翻諫獵書。

二十六日陝州道中却憶

初日猶含雨，朝雲欲滿山。
離懷今夜遠，春色幾年間。

酒豔新詞句花明小市閭不因秦弄玉誰肯住人間

零口

落花飛盡鳥聲多麥隴初平雨乍過一曲黃流濃入
畫綠楊陰裏見零河

渡潞水

水挾英雄氣奔流敵萬人纜長千指弱篙勇一舟神
渡影危橋齧風聲秀柳春尋常驅馬處搔首歎迷津

咸陽縣

小縣古西京垂楊繞渭城舟方官渡穩塔迥寺樓平
霸王如奇夢鐘鏞想大聲南山飛雨歇車馬歎長征

宿興平舊館和林松岩題壁詩二首

名華余婦兄

風雲飛舞塞長空
秦漢興亡幻影中
看冷西京天子氣
東歸何必笑重瞳

綠楊陰重繞前途
隔歲重尋舊酒壚
惱殺閒雲吹不散
一城雨氣湧浮圖

四月七日宿雍原題康對山武功志

一縣見天下
憂時雙眼明
斯文傳死後
此筆讓先生
才鬱君無識
書成父有名
從來思尙友
況近古潯城

蘇武墓

丁年詩思滿河梁
禿節持歸兩鬢霜
結髮去帷兒塞

北墓門當日已荒涼

窮兵封盡漢功臣武帝開邊氣未馴百萬平民都戰死賺回一箇牧羊人

黃牛堡月夜懷稚存

滿衣山影月如銀回首東華夢不真此日最憐洪王父車中閉目耐風塵

山靄林光亂不分一庭涼月白紛紛奇峯若肯論錢賣我欲連雲買寄君

大安驛雨

連年風雨壓三泉真有人間小漏天村酒一盃常兀

兀鄉雲千里尙縣縣岩花得意青山老客子無能白
日眠夢裏浮生原不定任他銷盡辦裝錢

是夜大風復口占一絕寄亥白

今年古驛原無雨偏有連牀聽雨情夢入南荒天地
白山風吹出海濤聲

是夜夜半風雨驟至愁不能寐復作一詩寄

亥白

破空飛雨助詩情擾盡離愁是此聲夏木千章風萬
里武連真敵古彭城

沈香驛

熟路年年到眼前
棧雲知結幾生緣
棗花綠遍沈香
驛又送殘山入左縣

題吳碧蓮降壇詩後

蜀女隨父任之粵西未
字而卒葬全之湘山

露下芙蓉出水遲
清名原不畏人知
可憐影怯湘山
月詩鬼秋魂一女兒

仙壇寫韻有家風
一點春愁幻影中
何處招魂天萬
里佛桑花外杜鵑紅

冬日和朴園韻

大義西望每欣然
八世偏多未了緣
墨竟磨人癯似
鶴花來著我靜於禪
打包乞食疑行脚
對客低頭懔

辯頗彈指又看風雪冷歲華容易到殘年

記會同醉亞夫營

朴園在涿鹿時與余常會飲於劉將軍帳中

通令樓前

平夢清人擬朱陳堪入畫誰知李杜未題名天涯感
舊真愁絕病起聯吟太瘦生珍重明年秋月滿桂枝
香裏拜恩榮

長至聞續調官軍出口

細路繞蠻荒千軍走戰場連連金陳接鼎鼎鐵衣涼
風肅旗聲凍雲低雪勢強請纓思報國中夜起徬
徨

漢州張憶堂贈家釀曰海棠春口占誌謝

碧雞坊裏苦吟身
金鴈橋邊送酒人
豔色名香何處有
鄉心沈醉海棠春

正月十九日將歸遂甯山泉道中口占

西川風雨接東川
兩地難酬骨肉緣
莫道還山無別恨
又驅羸馬過山泉

二月七日家居無事雨中飲王山人林子

小雨如絲淡不分
涪江春水綠沄沄
扁舟翦渡東風急
又枉山人贈白雲

田橋去年約余遊
凌雲峯不果今年相見於
成都得余與稚存松筠庵祭詩圖爲之狂

喜囑寫於扇以爲談助余旣欣然應之復
題二絕以誌遺憾

松筠古寺祭詩忙回首三年夢渺茫只有故人知此
樂拈毫重寫舊清狂

松竹童然一逕斜風塵畢竟異烟霞圖成恨負凌雲
約安得移官守漢嘉

夏夜

蕉扇匡牀稱小眠碧紗如霧影嬋娟一牕明月涼於
水夢醒香聞子午蓮

重慶舟中和亥白

落日戎戎峽鳥還石城三面水潺湲萬家樓閣層霄
上金粉鮮明照一山

東水門前日易斜故鄉風景似天涯船頭獨立深宵
月看冷渝州十萬家

安平驛西夜泊

水盡忽無路船窗四面山那知孤峽轉祇覺大江圓
岸削夔州近人空禹廟閒未須愁夜泊風竹自斑斑
夔州懷少陵

潦倒徒懷灞上游老來詩筆遍夔州東屯秔稻三年
熟西閣雲山萬里愁雞柵水筒隨豎子短衣雄劍謁

諸侯移家我亦成
都客落日空登白帝樓

大溪口風雪

北風吞峽一舟輕
雪裏江聲雜雨聲
篷底細傾村落酒
殘宵歸夢不分明

風逆泊巫山縣

山驛多寒雨停橈
待好風朝雲神女
廟春草細腰宮雪
淨峯全出帆低峽
暗通清猿聲斷續
楓葉半江紅

泊橫石

元日泊巫峽數峯
環水東好山孤艇
得此日萬方同舉
酒邀神女聽猿弔
楚宮吞舟聲浩蕩
雄絕大王風

新灘舟夜

積雪明千嶂，積巖壓短篷。灘聲終夜滿，石氣萬船空。
心苦知天意，江危憶禹功。水窗風竹細，愁絕亂山中。

空舫灘

空舫灘響惡，灘底毒龍蟠。怪石千層逼，奔流一折難。
柁蠟人氣活，橈急水花殘。瞥過沈舟側，猿聲落日寒。

腰站河

江到無人處，溶溶淡不流。坦迤才百里，朝暮看黃牛。
小艇厨香細，斜陽樹影浮。使君灘下泊，辛苦峽中舟。

松滋人日

一桮觀頭風色緊留人人日住松滋看梅間柳春猶
淺煮笋烹魚醉不辭勝裏金花妻女笑天南白雁弟
兄知飄搖無定隨鷗鳥泥飲江亭且賦詩

題崔荊州望岫息心卷子

逢著名山便寫真青衫紅笠笑風塵一枝竹杖雙蓬
鬢畫出嶽崎歷落人

泉鳴竹瓦玉丁東秋老寒林葉葉紅我愛丰神如白
傅欲求粉本作屏風

建陽驛道中

局促車箱悶不開小窗終日歎塵埃前山莫笑低頭

過新自瞿塘峽裏來

樂鄉關

常歎樂鄉好乍來春晝閒
今人須駐馬古縣已成關
野水浮孤艇斜陽淡遠山
射洪陳伯玉何日遂西還

宜城

細酌宜城酒深憐宋玉才
朝雲詞筆秀落葉賦心哀
文藻開秋氣江山哭楚材
巴人如我輩靈雨或飛來

由獨樹店至襄陽車中作

兩岸濃青萬頃田江山平遠最堪憐
穀紋水上春帆小吹出襄陽畫裏船

便是傳人總好名征南祠宇尙崢嶸萬山山下沈碑
處駐馬誰無弔古情

雨雪東流漢水渾千年過客幾人存江邊車馬閭中
權同指青山羨雁門

任人擬作銅臺妓視我何如郭野王墮淚碑前三歎
息願隨耆舊住襄陽

曉發林水驛

卽小長安城俗名瓦店

荒雞鳴屋角月上小長安窗紙櫺櫺白燈花若若殘
畫眉憐病婦捉鼻笑閒官春爲征人好東風不肯寒
宵行鈴語急殘月自蕭閒影瘦風塵外光流車馬間

鄉心魚腹浦春色雉衡山汨汨黃沙裏鶯花想故關

襄城

細草浮初日高樓冠一鄉看花新鄭遠采玉大隗荒
鴉點平原黑泥融野渡黃襄城舟可泛橋底聚鳴榔

潁水

幾點鄉山萬里遙襄城春野綠迢迢惜他歸雁高低
影也逐征人上潁橋

潁考叔墓

潁谷封人好精誠絕代無片言開大隧一鼓見蜚弧
舍肉心千古登陴勇萬夫春秋天道滅忠孝性情孤

望崆峒山同亥白兄作

前身原是杜陵翁。怪底詩名一代雄。死後幸逢韓鼎業，冢中猶剩李司空。豈無寶藏搜天怒，畢竟文章賦命窮。犴獄椎埋銷折盡，夜魂何處哭秋風。

石固鎮

石梁橋橋下水通密縣

古鎮千人聚，斜陽細草薰。無名繻葛酒，隨意具茨雲。春暖征衣重，途長歧路分。石梁橋下水，飲馬綠沄沄。卧榻黃泥壁，羈魂太不聊。人聲喧過雨，鄉夢覺中宵。鐙暗心逾鬱，梳殘髮漸凋。有生無一可，翻悵百年遥。

渡河

周王東狩圃田荒不刻車攻一兩章笑指隄山真古
物絕勝石鼓在陳倉

茫茫白日照黃河陵谷千年變態多滿眼泥沙春水
亂平原偏是古滎波

亢村驛題壁

故國青天上中原苦問津林林河北樹草草劍南人
冷落看花眼飛揚沒馬塵亢村風土熱皓肝不成春

小冀集至駝灣車中作

新鄉西走秦隴三十餘日可抵遂甯

小冀人烟白鱗屋瓦齊塘平露牛背民儉食楊梯
遠影連林活歸心落日低新鄉歧路好一月到巴西

廉頗墓

邯鄲南二十五里

一飯三遺矢雄心老未除
讀書憐趙括刎頸愛相如
碑失黃沙走墳荒白草疏
從來惜名將落日更回車
晚抵邗臺

淡紅雲破影粼粼
鴈齒奇峯萬點新
愛看邗臺今夜月一彎如妬尹夫人

二月二十二日抵都門作

遠客情形劇可憐
長途處處寫吟箋
國西門下詩飛去三日停車費酒錢

幽州回首歎梁州
騾背輕輿峽底舟
十萬奇峯留不

舟中言事
卷三
住西山笑我又蘆溝

船山詩草補遺卷三

船山詩章補遺卷四

遂甯

張問陶

便治歸棹

癸丑四月廿六日雨中赴海淀次日散館

不作凌雲想何愁下筆難親朋天上少車騎雨中寒
考急猶欲飲詩窮望改官昨宵妻女笑文字祝平安
出郭輪蹄響車聲闌石聲米鹽逃債主風雨助詩情
入寺雙林秀推書午夢清來朝須斷酒簪筆聽宮鶯
題法庶子溪橋詩思卷子 萬上選畫

燕市終年撲面塵勞勞無地著詩人悟來實境原虛
境書到傳神竟入神橋路餘花雙屐煖水風高柳萬

舟山言直道
枝新平生下筆多秋氣欲向圖中借好春

山泉汨汨漱春泥
葦橫編接岸齊人影忽來風雨
後詩情如在水雲西
奇才入畫都成佛清福憑天且
杖藜我是七星橋上客寫真孤負浣花溪

題吳山尊鼎畫

鳩茲東去江船冷
過雁歸鴉靜不喧
舊夢十年猶髣髴
一帆秋色水當門

秋日

風雷八月雨橫飛
酒伴敲門蟹正肥
屈指秋籬花易老
關心海國燕將歸
中年事雜書難讀
遊子家貧願

總違苦向京華貪薄祿涪江閒煞釣魚磯

秋日范子舟

涪

索詩作此奉贈

滿眼秋江雁一聲師門宛轉弟兄情感君年少能知
已愧我官閒只噉名狂客幾曾關氣數奇才何必傲
公卿家風莫負靈巖月磊落填胸十萬兵

送山尊歸全椒

高文隨手似飛文用盡奇書用典墳酒興狂時惟讓
我詩情豪處不如君閒遊古寺題紅葉醉拓晴窗畫
白雲自恨無權主吟社騷壇封汝上將軍

將離風景易斜陽草草盤餐爲底忙舉酒誰能忘此

席送行我亦在他鄉醉中欲罵黃江夏海內終憐盛
孝章人到都城誰解脫愛君歸路尙清狂

送胡黃海

自古名場抵戰場胸無奇策敢猖狂酒醒燕市情猶
熱人到揚州夢亦香放眼江湖增意態累心聲色易
頽唐相如渴病須珍重莫使凌雲氣不揚

題楊西禾

倫

九柏山房詩藁

西禾著杜詩
鏡銓二十卷

一枝詩筆妙天生王後盧前舊有名才大不難拈惡
韻句奇容易帶秋聲文章飛動談忠孝風景流連寫
性情學杜幾人能得骨羨君感慨亦和平

冬日清化寺街過稚存舊居懷稚存

三年未飲城東酒冷落泥鴻舊爪痕
雙樹亭亭如識我敲門猶恐或逢君

記從沈醉解金貂舊夢如雲望轉遙
埋我曾堆三尺雪酒香千古定難消

滿衣明月玉山頽一曲紅闌酒一杯
惆悵西園舊花石天南人去幾片回

處處關門避酒狂閒官名刺暗無光
願君移節東西蜀爲我成都築草堂

冬日遣懷

閉門高枕愧朝簪
篋底曾無買賦金
醉後文章猶絢爛
愁中滋味漸深沈
鷄聲易醒三更夢
酒力難降萬古心
畢竟孫登強似我
空山自鼓一絃琴

答相者揭三

驚人意氣儘飛揚
破帽籠頭不減狂
好色果然如宋玉
得名何必似歐陽
閒官位置千年定
窮鬼糾纏一世忙
骨格清寒肝膽熱
笑君窺測未荒唐

臘月十日燈下查小山

有圻

送祭酒二壺作

詩謝之

牆頭過酒懣清貧
怪底移居要卜鄰
乍喜泉香能醉

我却愁詩惡不驚人一杯自領椒花雨萬里遙憐翅
米春從此城南風雪夜敲門來往莫嫌頻

春日遣懷

祇覺交情不厭深無弦琴上有仙音近來轉怕敲門
客得一知心便累心

去年容易到今年券紙層層未了緣莫笑米鹽多債
主公然不負酒家錢

送黃春帆

炳奎

之湖南

時年二十五分發知縣

驛路三千里遙遙沒馬塵關情多舊雨惜別悵初春
花縣迎才子湘流照美人下車防擲果珍重宰官身

題葑亭給諫渡江集

飄然如見渡江時無意爲詩忽有詩一第艱難輸後輩
四年潦草任京師銜盃穆穆真狂者說鬼津津妄聽之
回首鳳池成往事故鄉依舊在天涯

二十年前絕妙詞江花江鳥記相思笑君搖筆題詩日
是我逃書受杖時驄馬巡城殊可怕紅綾分餅未嫌遲
卷中生死多名士說與今人半不知

題朱埜雲

鶴年

畫萬壽寺白皮松

白松如白龍銀鱗大於手濤聲十二時龍尾時蚘蟻
心空得禪悅物老有神守君不見畫師十指鬱風雨

擲筆驚呼白龍走

題圖牧山

清格

畫蘭

滿州才子雲中守七十年前圖牧山
畫出秋蘭真氣韻至今清影照人間

揮毫拂拂書生氣絕似揚州鄭克柔
筆墨無功性靈出一痕花影一痕秋

二月二日預作生子詩

三十生兒樂有餘精神髣髴拜官初
頻年望眼情何急他日甘心我不如
爪細難勝斑管重髮稀輕倩小鬟梳
繞床大笑呼奇絕似讀生平未見書

抱孫宛轉廿年情
預卜高堂笑語聲
飛札只愁家太遠
思親回憶我初生
客兒正好名康樂
犬子何妨字長卿
不信東坡無誑語
浪誇愚魯勝聰明

謝荊亭給諫送黃魴魚

魚胃魚腸名偶同
黃姑黃骨語朦朧
若供考訂先生饌
又要爭談正字通

題兩峯道人墨梅

才寫名花又破禪
一枝曾結幾生緣
圈來黑白能參否
掃却丹青更了然
萬裏色香飛幻影
眼中雪月駐神仙
道人墨戲藏真訣
莫作尋常畫史傳

五月喜雨

雨驟夏雲濃風雷忽盪胸居然蘇百病何止慰三農
赤水應驅魃青天欲篆龍讀書燈不滅終夜聽淙淙
夏日酒價驟貴慨然有作

酒貴詩情苦拈毫與索然謀生憑祿米計月望官錢
影瘦黃沙裏心空繡佛前醉鄉何處所長日枕書眠
題師芭塘潤州春望圖

誰擘吳綾寫潤州許君終日坐城頭詩情閒似中冷水
人影高於北固樓天海青蒼雙眼闊亭臺金翠一
山浮披圖與我千何事也欲臨風感舊遊

五月卽事

城南小住一年餘搔首真愁不易居米貴偏逢奴健
飯文窮甘讓賊偷書錢神竈鬼無消息酒癖詩魔漸
掃除欲向華胥求好夢未知今夜夢何如

甲寅五月馮魚山

敏昌

前輩補官刑部都官

之曹人才極盛作詩賀之

漫憐華髮補官遲正好重編鄭谷詩法吏短長非我
輩仙郎三五幸同時燈前讀律心千古判尾聯吟筆
一枝獄底要囚應破膽奇才都到白雲司

夏日酒賁衣裝典質殆盡忽查小山送菊花

酒一大甕孫少迂送酒票一紙值三十劔
松錄庵雪上人亦送酒一壘感諸君之
德作詩頌之

論著錢神竟有神醉鄉也到十分貧眼前不少催租
吏意外偏多送酒人甕底釀花浮綠蟻壚頭操券買
青春更逢老衲談盃渡祇恐如來是化身

二十日雨中答葑亭給諫

祇覺風蟬斷續鳴不知一日幾陰晴雲蒸暑雨天無
色電掣寒光夜有聲對酒人難來隔巷遞詩奴欲跨
長鯨莫因腹疾憐同病差勝拖泥帶水行

戲咏酒票

不解金貂上酒樓新頒符節醉鄉侯居然操券來鑑
下何必論錢指杖頭人許千鐘澆壘塊我憑一紙占
糟邱懷中漫滅誰家刺恐是平原老督郵

七月廿七日爲賊竊去澄泥硯一款硯二雪
一舫水晶印一王子卿刻陶字小鍾印一胡
城東刻船山獅紐小玉印一黃仲則鑄長
母相忘仿漢瓦當銅印一作詩誌之

文章金石總爲災如此穿窬亦可哀名字被君都竊
去今番真似不憐才

偷到圖書愧我貧須知盜賊亦窮人
綠林他日傳佳話應比青毡更斬新

水晶小印澄泥硯古物傳家已百年
今夜早知逢惡客不如分送一囊錢

便非知己或知名三過門閒似有情
歎汝救貧無善策枉拋心力窘書生

題查映山給諫聽雨樓卷子

時給諫終養家居

滿紙蒼煙溼如聞夜雨聲居深忘近市
樓古妙知名老樹前朝影春暉孝子情
幾時攜酒榼容我畫中行

累日陪邵二雲

晉謁

前輩飲於魚山淵如前

東坡詩集卷四
輦寓齋作詩奉贈

櫻桃轉舍見山樓處處壺觴許唱酬只有通人能考
據斷無前輩不風流醉中奇氣飛三雅老去才名動
九州莫避禍衡年最少十年懷刺未輕投

重陽前二日雨中期邵五不至與王香甫

書
食蟹分韻得持字

籬花儘有傲霜枝手擘雙螯且共持此酒不妨千日
醉與君俱是少年時催來好雨留賓易談到墮園下
筆遲記取重陽佳節近閉門同賦感秋詩

秋夜讀書

漸覺書難讀陳言亦斬新未知身以後誰似古之人
史筆閒無用鄉山夢不真一甌薑煮飯努力保清貧

甲寅重九葉雲柯吉士

光桂

招同吳穀人前

輩趙味辛舍人小集分韻得墨字

雨熱夏雲黃雨冷秋雲黑雨止作重陽重陽已無色
祇園菊未花高堂罷登涉隔巷聞招邀疲驟行得得
泥淤膏輪軸如磨千鋌墨酒人無遠志所志在飲食
持杯擘蟹螯清歡極頃刻延陵號通儒文章有典則
猝然出觴政遊戲不可測同奮出地雷各展培風翼
虎聲來鳴鳴雀聲飛唧唧屏後笑童稚胸中脫柴棘

人生快意時悲來亦何極燈前老舍人當筵三歎息
忽檢杜陵詩高歌劃胸臆醉鄉無苦樂人世有通塞
通塞豈偶然同聲呼偏仄更闌興未闌驅車候南北
瞥眼成前塵秋風方淅淅

題王梅岑觀察平苗圖王蓬心太守畫

翠壁丹崖兵氣陡弓刀簇簇環山走沅江水碧波無
聲偏照紅苗膽如斗公能定亂亂者誰勾補之苗石
滿宜負嶠惡獸豈人種一呼散出千熊羆公欲生苗
苗欲死頭飛血湧山光紫指揮軍佐認朱旗不向良
苗飛一矢逆苗搜戮良苗快囚車一過峯巒怪回首

楓林照夕陽居然一日平三砦瀟湘老守筆有神丹
青能寫英雄人戈矛銃礮抑何武畫入雲山都斬新
君才酷似昇平將小記磨厓轉神王我醉披圖作楚
歌如聞笳鼓聲悲壯

十月十三日偶遊義園弔客鬼

荒園高塚亂如麻宣武門西日易斜牆外車過人盡
客樹根碑斷鬼無家難逢舊雨澆殘酒偏有旋風聚
落花轉眼百年同逆旅夜魂何用哭天涯

十月十四日劉松嵐明府

大觀

過訪談詩竟

日賦此訂交

有客忽相訪飄然如故人舊時同記憶談語見丰神
文字前緣厚琴書古意真知音求不易來往莫辭頻

題劉松嵐所藏纖纖士女金逸瘦吟樓詩帖

清靈才子筆何意女郎詩想像書難竟纏絲病不支
樓空棲燕處春盡落花時香冷雲箋膩姍姍韻可知
十月十七日與王香甫同過蓮花寺訪金君

飲酒

月上蓮花寺聞鐘已半酣天能容傲骨人亦恕清談
夜永鳴官柝心空對佛龕疲螺應笑我舉酒便停驂

贈李平山

坦

太守兼呈松嵐明府

兩世論交舊忘年亦弟兄鄉心巴峽遠宦味越江清
文有推袁意詩慙說項情因君得劉十尤足慰嚶鳴

與陳郁度言窮

同有越鄉感勞勞九陌塵奇貧能敵我久病恐傷人
謀食難安命求官已累身壯懷誰可說相對淚沾巾

冬日閒居

貧極翻無事閒居拙養尊冬晴風更肅晝冷日方昏
經卷常堆案軒車不到門官清鷄犬瘦人物古鄉鄰
筆墨爲官職吾真吏隱兼累多常廢學債積已傷廉
得酒杯還把圍爐火不添一寒寒至此詩味漸清嚴

鴉叫樹生風霜飛敗葉紅不須愁內熱卽此悟真空
縱筆題天外留燈照夢中夜窗寒氣陡性海自融融
得友皆狂狷齊年亦我師同無青白眼各有性靈詩
在遠情猶戀忘形淡可知神仙拾瑤草珍絕兩三枝

送屠笏巖刺史歸尋甸州

癸未進士

宦拙文心巧嶽崎歷落人科名同輩少邊徼一官貧
易醉神先王長歌氣獨真白頭攜美婦龍性老難馴
孔禰忘年友疎狂古道存幾人交莫逆萬里別銷魂
天遠蠻雲怪文窮傲吏尊重來應計日相望國西門

小雪日得壽門弟詩札卽用原韻寄懷

得書逢小雪絨札是重陽萬里詩情接三年別夢長
語真關血性筆陡見靈光歲晏思君切孤吟感對牀

李墨莊

鼎元

前輩登岱圖

畫中東嶽小松細欲無枝却想登臨處憑空嘯咏時
天低人影出海大日光移應對羣山笑名高不在奇

醉後聽珍園老人彈琴

老人名廷珙韓城相公之族

聽琴不解音音來以神遇君無笑醉人酒中有琴趣
安絃三兩聲已知心骨清凝心一再鼓晴空颯風雨
淵靜謝時奏飄飄發奇弄愔愔衆妙含洋洋百情貢
老人白鬚眉逸興流金徽塵沙滿京洛海鶴方孤飛

貧居遣懷

舊駭貧多債今無券可書紛紛童僕去漸漸友朋疎
未老身難逸觀空氣暫舒菊殘殘不落伴我到冬初
畧解安心法浮生鏡裏看無才任窮餓有夢亦清寒
天大容身易詩多入道難竟須焚筆硯西笑訪元丹

寄蜀僧

土屋雪中深蕭蕭松竹林有懷時得句無事夜聽琴
守榻眠馴虎窺檐集凍禽慧珠常在手彈指去來今
冬日得吳少甫學使題兄弟武連聽雨圖詩

賦此奉贈

塵海勞勞且未還
讓君遊我故鄉山
詩來祇作家書讀
官好方知宦味閒
人得靈丹須換骨
門無奇士不開顏
三年清福終堪妒
看足我眉月一彎
家庭餘事仗誰傳
忽枉題詩紀武連
交久轉忘前後輩
情深兼結弟兄緣
憐才意重應成癖
愛好心多不是偏
安得持衡留玉尺
使星常爲照三川

冬日卽事

鐘定風傳柝燈昏
月在窗心清詩夢遠
人豔枕痕雙冷節
隨花盡閒愁借酒降
連宵霜氣肅歸思滿
涪江風氣貧家足
官閒野興疎墨香奴
學字鍼冷婢裝書

衣典留賓後茶煎得句初向來湖海氣一例漸消除

十一月十四日汪劍潭

端光

筵上寄畢展叔

先生時仍客漢陽

劍潭爲先生之壻

忽訝先生在訛言久浪傳離情千里外舊夢十年前
老輩今誰似靈光獨歸然當時聯咏處江月幾回圓
憶共城西住詩情滿漢陽客貧偏嘯傲年少許清狂
蘭芷迎仙筆湖山入醉鄉只今彈指隔已離小滄桑
我友汪倫好忘年似孔融豈知蘇子美曾侍杜祁公
新舊嫺緣合文章氣誼通始疑天壤內惟此數人同
但頌如山壽奚愁再見遲久藏三歲字記改一編詩

交道窮方厚文心老更奇憑公才子壻爲我問西籬
西籬十年前畢丈所居之寓園也

詠敝裘

莫訝寒衣重千鍼補一裘知從何日敝還爲此身留
典慣成孤注裝輕配遠遊不妨襟肘見高雅傲諸侯
二十五夜以茶銚煮笋薄醉有作

茶鐺水活笋香清街鼓遥遥出禁城暫喜夜寒杯在
手祇疑窗靜雪無聲蟠根風露猶鄉味破竈齏鹽豈
宦情回首吾廬應好在竹林花散石牀平

淵如前輩改作書堂招同王葑亭王懷祖

念

孫兩給諫邵二雲侍讀王秉玉有琬兵部

錢飲石

東璧

上舍飲酒落成率賦二詩奉

賀

頓覺軒窗改精廬望轉深經營出新意將作見文心
熟客來如夢清樽喜共斟屋中還有屋迷談笑相尋
卜夜同歡醺題詩與落成歌謠唐大歷訓詁漢東京
座爲通儒設書從稚子擎庭花須補種春及定敷榮
十二月初七夜獨飲懷王葑亭給諫

墨凍磨逾淡燈寒剔暫明破窗沈夜氣虛室畏風聲
煨栗嘗新酒披裘數斷更南隣王給事應共此時情

券紙

歲除搜畫篋券紙忽千金謀食無奇計攻詩有內心
命窮疑翰墨宦拙夢山林夜共梅花笑何時廢苦吟
得亥白兄書知新置曾祖通政公墓田一
分並買族人欲賣先祖登州公墓田一
分作詩誌喜

護墓無田貧不得買田典盡一家衣他年祠宇還重
構此日兒孫暫忍饑春及會看農事急身閒轉覺宦
遊非枕書細引還鄉夢心繞雲箋字字飛

金霽坪

金亮

程紉蘭

組

招同穀人前輩葑亭

香圃喬梓及許鶴汀會昌上舍夜飲蓮花

寺醉中有作

滿地酒人影回頭月在天蓮花何代寺迦葉暫時緣
林竦寒光直風暗夜氣專醉鄉自寬大少長不周旋
十二月十一夜月下作

歲寒心事儘蒼茫白日無功苦夜長撲地月光飛作
雪卓天人影凍成霜奴愁米價思新俸婦檢家書說
故鄉聽盡繁更還自笑官閒偏爲著詩忙

題花王閣牋藁

明末諸生河間紀坤著曉嵐
宗伯昀高祖生於隆慶沒於

崇禎

世亂雄心鬱才高逸氣真卽憑三寸筆已掃一時人
痛哭惟兵火衰朝竟隱淪花王何處閣我欲薦芳醇
鍾譚王李外隆萬啓禎時志大偏無命心奇不在詩
科名當日誤姓字幾人知從此書千本流傳尙未遲
和石君師勗少白同年詩元韻

養生無異術只在養天和丹鼎元功秘金經幻語多
讀書脩慧業閱世退心魔佛是通人作詩情大小坡
正月十八日朝鮮樸檢書宗善從羅兩峯山
人處投詩於予曰曾聞世有文昌在更道
人將草聖傳珍重雞林高紙價新詩願購

若干篇時兩峯處適有予近詩一卷樸與
尹布衣仁泰遂攜之歸國樸字菱洋尹字
由齋戲用其韻作一絕句誌之

性靈偶向詩中寫名字甯防海外傳從此不妨焚牘
草鬱陵島上有遺篇

題朱廉石侍讀

承寵

廉石圖

借石寫

真氣出凌空屹立聳天骨通人托興原偶

然無我

物無因緣人觀廉石圖見石不見紙秀裹

黃山雲巨靈不敢指我觀廉石圖見人不見石神清
太璞完巖巖古遺直圖成日向虛堂挂非石非人亦

非畫走筆題詩讚歎窮廓然不壞惟真空

二月十六日徐壽徵招同葑亭給事穀人編脩小飲筵上戲作

花朝才過雨如塵誰掃閒軒聚酒人一詠一觴皆有數無桃無柳不知春醉鄉儘可忘賓主詩筆還須動鬼神同指韓康開口笑欲求靈藥爲醫貧

自煮羹湯喚客嘗不將口腹累厨爨醯鹽經用如詩料七箸飛聲見酒狂真率并除名士氣風流翻勝少年場眼前醉飽無餘事莫爲葑鱸話故鄉

題丁雲鵬文殊洗象圖

水是七淨華帶見十莖草洗與不洗同香象天然好

寫茶菊戲題

蕉扇扇竹爐石泉洗花殘山園秋雨晴茶菊黃如蘭

閏二月送張主簿桂巖賜甯之官河南張善

畫

作官如作畫乘興偶爲之研北原無累江南合有詩
好山新稿得清節故人知到日過春汎鶯花正及時

閩花朝穀人前輩約同王香圃麟生倪米樓

稻孫吳香竺瑛遊陶然亭遇雪不果同集

有正味齋分韻得今字

花朝逢閏已春深風雪蕭蕭忽滿林桃李幾曾甘冷落亭臺何意廢登臨敲詩戲約三章法賭酒爭降萬古心莫爲閉門清興減醉鄉彈指去來今

韶光原止在山林難向紅塵夢裏尋才喜閏年增麗月又因冷眼抱冬心非時畢竟關何事作典還應數自今如此桃花如此雪買金須用辟寒金

閏二月二十一日小山送鱗與亥白受之蒔

堂飲酒作

握手都從千里來春風吹面一樽開百年兄弟多離別此是團圓第幾回

故人二月能送鱗
磊落堆盤酒興豪
預插茱萸作重九
小桃花底共持螯

馬扶風絳帳傳經圖爲淵如前輩題

寫真遙溯漢東京
絳帳風流尙有情
自喜傳經通禮樂
最憐草奏誤聲名
英儒高第爭千古
笛賦琴歌豔一生
今日披圖還歎息
幾人能學鄭康成

乙卯春日寄洪稚存同年貴州學使

何處登臺望楚氛
花苗春亂五溪雲
談兵氣王應思我
倚劍心雄欲訪君
邊境此時難問俗
秀才幾輩學從軍
西南戈馬關情極
誰草相如論蜀文

三月十六日亥白兄受之弟會試出闈與王

香圃查小山集丁香花下夜飲

春風吹暖弟兄心飛鳥都來送好音正喜敲門逢酒
伴莫辭秉燭醉花陰笑將得失憑天地賺到英雄歎
古今預宴櫻桃誇利市玉壺同向月中斟

三月十七日邵二雲侍讀招同吳穀人編脩

孫淵如刑部趙味辛中書汪劍潭助教集

雙簾窻看花

正喜春寒酒易賒雙簾開足雨中花看來合座無殘
客數到同心更幾家飲食也須忘世味賢豪偏是聚

京華昌黎交道無師友應爲奇詩愛老義

枕上作

花影橫窗月乍明有身空說萬緣輕近來歸夢都難得慣聽鄰鷄第一聲

乙卯春夏與穀人前輩飲酒詩

難懺詩名更酒名相邀常覺馬蹄輕通儒飲食皆風雅狂客衣冠總性情一世論交多老輩幾人知我似先生眼前笑指彈碁局制勝無奇不在爭

開筵偏賞落花風未必空囊日日空身到人間除是醉世非我輩不能窮祇聞芳酎傳劉墮誰把黃金鑄

石崇最好清樽消永晝一吹絃管便匆匆

乙卯會試榜前數人前輩約同亥白兄與吳

退菴

暄

蒲快亭

怵

徐閩齋

嵩

徐壽徵

明理

集有正味齋看芍藥分得蒸韻

春滿長安酒價增舉杯爭望賜紅綾笑圍芍藥忘賓
主預摘櫻桃宴友朋老輩多情誇利市來朝得意看
飛騰筵前莫羨科名早我已心如退院僧

與王香圃飲酒詩

顛倒羣兒太不狂酒酣磊落見王郎手中詩卷驚時
輩夢裏江聲繞故鄉人好無慚名父子眼高須避少

年場文心要自爭千古何止隨園一瓣香

一枝斑管遞揮毫秉燭聯吟意氣豪研北瓶花同我
供市南酒價爲君高無人贊處奇詩出信手拈來險
韻牢肯信雕蟲真小技古今從不廢風騷

便使飄然思不羣難將身事擬浮雲持家好續宜男
婦八世休拋合格文一代才人終寂寞百年生計本
紛紜尋常莫看齊梁史恐有清談欲誤君

風塵小住且徘徊潦草詩情酒一杯好友每從無意
得虛名也似逼人來正愁懶性難經世敢以閒官說
愛才十載京華誰諒我自今懷抱爲君開

邵五攜酒見訪以如逢花開分韻亥白得逢

字邵五得花字受之得如字予得開字

閉門久已謝塵埃偏有閒人載酒來雨後乾坤雙眼
闔夢中賓主一樽開碁逢打劫知兵象詩到爭奇想
霸才此客正愁歸路遠統如城鼓莫相催

作畫自題

偶拈醉筆過人間天海遨遊且未還五嶽兒孫都看
盡憑空自寫意中山

偶過有正味齋與穀人前輩飲菊花酒兼讀

近作

硯屏低映小韋觴問字人來入醉鄉綠蟻乍浮千日
酒黃花猶醞去年香奇文到眼頭風愈午夢驚心宦
海長一世誰能逃酷暑先生此席較清涼

爲魏春松畫扇戲題

秋茄葉大晚風疎籬豆花殘結子初莫笑堆盤太寒
儉本來真味在園蔬

蓮花寺馬器之筵上贈陳孝廉聞之若嚙貴

州人

謾語譚言卻近真亂頭麤服轉丰神才如王粲奚論
貌奇似劉乂尙苦貧浮世祇應供笑傲客懷無奈感

風塵黔山蜀水爭回首同是西南萬里人

淵如前輩觀察充沂曹以足疾未行阮伯元
學使在明湖醺集作詩催之有萬朵荷花
五學士一時齊望使君來之句淵如屬朱
埜雲補圖合裝成軸八月一日與吳穀人
劉澄齋兩前輩葉雲柯兆桂編脩餞淵如
於櫻桃傳舍題句贈行仍用阮宮詹原韻
花底長筵次第開匆匆驪唱莫相催樽前讀畫先搔
首何日明湖載酒來

秋懷

一寒似我更無人衣食勞勞負此身窮極方知生是
累悲來常覺夢如真酒腸漸窄花應笑詩境全空筆
有神官樣文章偏不解衆中慚愧說詞臣

馮鷺庭

集梧

編脩以舊人畫驄駟見贈題詩

誌謝

畫到枝蹄意態殊幾人開卷識駟駟超羣逸足非無
相絕跡塵寰幸有圖留影自能逢伯樂搜奇我欲問
陶塗向來雙眼空凡馬未上丹青氣已麤

陞麒猶傳捷有神奇才原不厭風塵感君持贈心偏
壯笑我飢疲志早馴下筆能兼龍虎氣寫生終服朱

元人按圖倘遇徵求日抵得空山獨角麟

病懷

枕上秋心最可哀更無人處尙徘徊
夜涼燈滅鷄聲遠祇覺詩來夢不來

宦味名心竟掃除病中生計更巖疎
醫愁難用尋常藥不檢方書檢異書

街鼓沈沈夜可憐爲傷秋氣不成眠
無聊兄弟無聊酒燈火書牕太悄然

無花無酒且清齋冷宦秋懷卽病懷
欲向山妻謀一醉年時久已拔金釵

鉞光綫影聚燈前
刀尺聲中又一年
隔歲寒衣重補綴
故人裘馬自翩翩

贈陳肖生

嵩

君寫奇花我賦詩
一般生趣幾人知
憑空下筆常無法
得意忘言亦有時
心不求傳應更好
名如來逼恐難辭
長貧容易低聲價
但賣丹青莫賣癡

宦味

貧家鷄犬亦高閒
兄弟妻孥自在還
不爲敲門驚債主
此心何異住空山

自題

才小詩多複身間筆轉忙但留真意境何用好文章
賤注應無藉以求自不妨漫誇千古事得失總尋常

遂甯文峯閣

吾縣西山文峯閣爲汪少府廷棟所造閣
成科甲頗利戊申秋榜中式者五人予舉
京兆試亥白兄舉鄉試皆是科也乙卯秋
日少府來京以詩冊索題爲賦一絕誌之
小試神通地便靈不教箕口困文星憑伊仙尉囊中
術絕勝平沙玉尺經

乙卯重陽與王葑亭給事吳穀人贊善關鶴

舟上舍查蘭圃小山昆仲及亥白兄重遊
草橋丁氏花圃以菊花須插滿頭歸分韻
得滿字

沙平草橋闊村小人煙暖重出南西門秋光猶未滿
流年遂重九朝野同蕭散笑指晾鷹臺登臨興殊懶
郊行車馬瘦席地壺觴緩何處問黃花餘情空款款

九月二十三日桂未谷韻同年招同吳穀人

贊善吳山尊孝廉胡城東唐吳子華文桂

上舍宋芝山學正集陳肖生嵩咏篁軒看

菊芝山卽景作圖邀同人分韻題詩得門

字

笑指黃花共舉罇秋心原不在朱門風霜氣重難辭
醉文字情長易感恩塵海誰憐詩筆好騷壇我覺布
衣尊他年讀畫重回首各認征衫舊酒痕

十月九日趙味辛舍人招同兩峯山人二雲
穀人墨莊鳬塘諸前輩未谷介茲同年希
甫舍人春柳墨卿比部琴柯編脩集敦經
悅史之堂舉續重陽之會分韻得滿字

解老菊花殘孟冬苦日短重陽猶可續一月倏已滿
天時何太速良會不妨緩酒行亦無算賓主同疎懶

各誦得意詩強于奏絃管醉鄉寒逼人挑燈閉齋館
門外風霜嚴落帽事恐罕

題吳玉松雲同年除夕遊山圖

餞歲忘除夕看山愛故鄉春聲騰竹爆古色滿金閭
石瘦通禪悅池空走劍光三年重讀畫感舊定蒼茫

畫扇寄王竹嶼香圃之弟

君家兄弟詩奇好不敢題詩遠寄懷戲寫江南山一
角累人幾夜夢秦淮

題查小山擁書仗劍圖

才人學劍馬相如俠似荆卿轉好書圖史功多原易

取風雲氣大總難除夢回塵海愁無際畫入仙山味
有餘一卷黃庭三尺水華顏能駐莫躊躇

忻州牧汪君本直重修詩人元遺山之墓寄

題五律二首

名重蘇黃後金元筆一枝史難因我廢忠亦畏人知
世亂能全節才高許論詩五花棚地在何日拜新祠
送葑亭給事巡視南漕

江河南下水雲寬夾岸旌旗擁豸冠祖道還能容我
醉題詩偏是別君難淮陽花月尋芳路臺閣風霜有
印官應使鄉人避驄馬繡衣爭作錦衣看

初冬得劉松嵐明府開原書卻寄

時松嵐爲

開原令

聖朝根本爲政得詩人豐鎬民猶昔睢麟化已淳
泉流皇澗遠花照縣樓新好檢循良傳躊躇萬古身

寒夜

指冷箋逾滑爐溫墨未融低窗明夜雪高樹折晴風
鄉思驚天末詩情擾夢中楞嚴堆案久難得萬緣空

車中口號

宦情銷向馬蹄閒九陌黃塵倦往還城市忽生天外
想車箱高枕看西山

乾隆六十年乙卯長至 午門迎送恭紀

升壇紫氣望如龍大禮圓邛冠六宗市地繁星燈萬
點倚天喬嶽殿千重清班高處詞臣肅 仙仗迎來
瑞靄濃祝史書年週甲子百王從此奠黃琮

自題山水

幾家茅屋隱雲隈應有軒窗向水開笑指江天無盡
處一帆如爲酒旗來

爲香圃作補梅書屋圖并題

重補羅浮未了因春情濃處一枝新滿衣明月香如
水知是梅花是美人

船山詩草補遺卷四